



حنا عليها

حنا عليها من قديمات الأزمان
الفتاح احمد بالمعالي سكنها
بألف وميّه وسبع وتسعين قد بان
نوره سطي .. رخّ وسأل المجد عنها
خط بسماها للبطولات عنوان
حامي حماها قادها من رسنها
حرة أصيلة .. ترثة قروم ويلان
قد صانها في داخل القلب كنها
وشعب يجله .. ثلة أحرار شجعان
أصيل من ذيك القرون وزمنها
لكن حسبي للذي بات خوان
نكار طيب شيوخنا .. ظلّ عنها
مكار دايم شاييل حقد واضغان
للضد دايم مرخص في ثمنها
تصدر تعاليمه من أحقاد شيطان
متعطر بأوصاخها مع عقنها
وسلام لـ بن سعود وقوم آل نهيان
ودرع سلامة دارنا قد ضمنها
يا مرحبا ترحيبة اخوان لخوان
وقواتكم يا حيها في وطنها
من دار أخو مريم الى ساحل عمان
يا مرحبا والنفس يشقي وهنها
أقولها واختم كلامي بتبيان
ونفس تسوي الخير تكسب رهنها
دامت لنا البحرين تاج للأوطان
ويدوم عز أملوكننا ومن سكنها